

見阿閼佛品第十二

(一) 觀於如來

爾時，世尊問維摩詰：「汝欲見如來，為以何等觀如來乎？」		
維摩詰言：「如自觀身實相，觀佛亦然。我觀如來：	① 前際不來，後際不去，今則不住。 ② 不觀色，不觀色如，不觀色性。 ③ 不觀受、想、行、識，不觀識如，不觀識性。 ④ 非四大起，同於虛空；六入無積，眼、耳、鼻、舌、身、心已過。 ⑤ 不在三界，三垢已離，順三脫門——具足三明，與無明等。 ⑥ 不一相，不異相，不自相，不他相——非無相，非取相。 ⑦ 不此岸，不彼岸，不中流，而化眾生——觀於寂滅，亦不永滅。 ⑧ 不此、不彼；不以此，不以彼——不可以智知，不可以識識。 ⑨ 無晦、無明，無名、無相，無強、無弱，非淨、非穢，不在方，不離方；非有為，非無為——無示、無說。 ⑩ 不施、不慳，不戒、不犯，不忍、不恚，不進、不怠，不定、不亂，不智、不愚，不誠、不欺，不來、不去，不出、不入——一切言語道斷。 ⑪ 非福田，非不福田；非應供養，非不應供養——非取、非捨。 ⑫ 非有相、非無相；同真際、等法性——不可稱、不可量，過諸稱量。 ⑬ 非大、非小，非見、非聞，非覺、非知，離眾結縛，等諸智，同眾生——於諸法無分別。 ⑭ 一切無失，無濁、無惱，無作、無起，無生、無滅，無畏、無憂，無喜、無厭；無已有、無當有、無今有——不可以一切言說分別顯示。	世尊！如來身為若此，作如是觀。
① 以斯觀者，名為正觀； ② 若他觀者，名為邪觀。」		

(二) 維摩何生

爾時，舍利弗問維摩詰：「汝於何沒？而來生此！」			
維摩詰言：「汝所得法有沒生乎？」 舍利弗言：「無沒生也。」 「若諸法無沒生相，云何問言：『汝於何沒？而來生此！』於意云何：譬如幻師，幻作男女，寧沒生耶？」 舍利弗言：「無沒生也。」 「汝豈不聞佛說諸法如幻相乎？」 答曰：「如是！」 「若一切法如幻相者！云何問言：『汝於何沒？而來生此！』」	舍利弗！	① 沒者為虛誑法，壞敗之相； ② 生者為虛誑法，相續之相。	① 菩薩雖沒，不盡善本； ② 雖生，不長諸惡。」
是時，佛告舍利弗：「有國名妙喜，佛號無動，是維摩詰於彼國沒，而來生此。」 舍利弗言：「未曾有也！世尊！是人乃能捨清淨土，而來樂此多怒害處。」 維摩詰語舍利弗：「於意云何？日光出時，與冥合乎？」 答言：「不也！日光出時，則無眾冥。」 維摩詰言：「夫日何故行閻浮提？」 答曰：「欲以明照，為之除冥。」 維摩詰言：「菩薩如是，雖生不淨佛土，為化眾生，不與愚闇而共合也，但滅眾生煩惱闇耳！」			
是時，大眾渴仰，欲見妙喜世界無動如來，及其菩薩、聲聞之眾。佛知一切眾會所念，告維摩詰言：「善男子！為此眾會，現妙喜國無動如來，及諸菩薩、聲聞之眾，眾皆欲見。」 於是，維摩結心念：「吾當不起於座，接妙喜國，鐵圍山川、溪谷、江河，大海、泉源，須彌諸山，及日月星宿、天、龍、鬼神、梵天等宮，並諸菩薩、聲聞之眾，城邑、聚落，男女、大小，乃至無動如來，及菩提樹、諸妙蓮華，能於十方作佛事者。三道寶階從閻浮提至忉利天，以此寶階諸天來下，悉為禮敬無動如來，聽受經法；閻浮提人，亦登其階，上升忉利，見彼諸天。妙喜世界成就如是無量功德，上至阿迦尼吒天，下至水際；以右手斷取，如陶家輪，入此世界，猶持華鬘，示一切眾。」作是念已，入於三昧，現神通力，以其右手斷取妙喜世界，置於此土。 彼得神通菩薩及聲聞眾，並餘天人，俱發聲言：「唯然！世尊！誰取我去？願見救護。」			時妙喜世界於此國土所應饒益，其事訖已，還復本處，舉眾皆見。

無動佛言：「非我所為，是維摩詰神力所作。」 其餘未得神通者，不覺不知己之所往。妙喜世界，雖入此土，而不增減；於是世界，亦不迫隘，如本無異。 爾時，釋迦牟尼佛告諸大眾：「汝等且觀妙喜世界無動如來，其國嚴飾，菩薩行淨，弟子清白。」 皆曰：「唯然！已見。」 佛言：「若菩薩欲得如是清淨佛土，當學無動如來所行之道。」 現此妙喜國時，娑婆世界十四那由他人，發阿耨多羅三藐三菩提心，皆願生於妙喜佛土。 釋迦牟尼佛即記之曰：「當生彼國。」	
佛告舍利弗：「汝見此妙喜世界及無動佛不？」 「唯然！已見。世尊！願使一切眾生——	① 得清淨土，如無動佛； ② 獲神通力，如維摩詰。
世尊！我等快得善利，得見是人親近供養。 其諸眾生——	① 若今現在，若佛滅後，聞此經者，亦得善利；況復聞已信解、受持、讀誦、解說、如法修行。 ② 若有手得是經典者，便為已得法寶之藏； ③ 若有讀誦、解釋其義，如說修行，則為諸佛之所護念； ④ 其有供養如是人者，當知則為供養於佛； ⑤ 其有書持此經卷者，當知其室有如來； ⑥ 若聞是經能隨喜者，斯人則為趣一切智； ⑦ 若能信解此經，乃至一四句偈，為他說者，當知此人，即是受阿耨多羅三藐三菩提記。」